





724
Arolind 1734, 14 21
PERVETVSTÆ ACADEMIÆ ERFFVIRTH,
RECTOR

JAM

FACVLTATIS IVRIDICÆ
DECANVS,

TOBIAS JACOB
REINHARTH,

JCTVS, PRÆLAVDATÆ FACVLT. ASSESSOR,
ET COD. PROF. PVBL. ORDIN.

ILLVSTRISSIMI S. R. I. COMITIS DE GLEICHEN ET HAZ-
FELD CONSILIARIVS, NEC NON EIVSDEM CANCELLA-
RIÆ ET CONSISTORII BLANCKENHAIN. DIRECTOR,
CIVITATIS SYNDICVS ET CONSVL,

AD AVDIENDAM

LECTIONEM CVRSORIAM

ET

DISSERTATIONEM INAVGVRALEM

AD DIEM XX. OCTOBR. MDCCXXXIV.

LECTOREM BENEVOLVM

HVMANISSIME INVITAT.

ERFORDIÆ.

Typis JOH. CHRISTOPHORI HERINGII,
Acad. Typogr.

Q. D. B. V.



Nihil profecto Republicæ exitiosius, nec quicquam tranquillitatem ejus magis conturbat & destruit, quam jus sibi et ipsi extra judicium dicendi, privatamque vindictam in civem exercendi infrenis licentia, quæ sicut status civilis indoli aperte repugnat, cum per judiciorum constitutionem (1) supremæ potestates ejusmodi privatam judicandi facultatem, quæ in statu naturali, seu æquali cuilibet est integra, subditis omnino ademerint, solumque jus defensionis privatum ac violentum cæteris paribus iisdem reliquerint, (2) e contrario verò, ut quilibet id, quod ab altero præterdit, competentibus juris remediis in judicio exigat & urgeat, voluerint; (3) Ita variis, iisque egregiis Constitutionibus illis, qui privatæ auctoritati frenum laxantes sine judice sibi et ipsi jus dicere, imo alterum ad id, quod præterdunt, præstandum vel per vim compellere, vel alia facti via debitoris res occupando sibi consulere audent, haud levis obex fuit positus. (4) Extat hac de re famosum Divi

MAR.

- (1.) HUGO GROTIUS. de J. B. & P. L. l. 1. §. 7. §. 2.
(2.) B. GRIEBNER. Princ. Jur. Nat. L. 2. c. 3. §. 3.
(3.) Pr. Inst. de actionibus ibi in Judicio
(4.) §. 1. Inst. Vi bonor raptor.

MARCI Edictum in *L. Extat 13. ff. Quod met. & IMPP. VALENT. THEOD. & ARCADIJ Constitutio in L. 7. C. unde vi.* In priori saluberrimesancitum, ut, si verus creditor propriâ autoritate & sine judice rem aliam vel pecuniam debitoris occupaverit, jus crediti amittat; in posteriori vero non eadem solum pœna repetita, sed quoque eo extensa legitur, ut verus dominus rem propriam ita occupans dominio excidat, & rem occupatam restituere, in casu vero rei alienæ ita occupatæ præter rem & æstimationem ejus præstare possessori teneatur. Satis sic prospectum fuit tam vim compulsivam, quam ablativam à creditoribus vel dominis passis debitoribus vel aliis possessoribus, cum alias juxta effatum *VLPJANI* (5) debitori ad solvendum violenter à Creditore compulsio nec actione quod metus causa, nec ipso statuente *JUSTINIANO* (6) in casu adhibitæ vis ablativæ Actione vi bonorum raptorum succurri potuisset. Impræsentiarum non morabor ea, quæ de Non usu saluberrimarum harum provisionum Saxonico, contra *HENNING. GODENIVM* (7) defensum ire conatus est *CARPZOVIVS* (8) nam ante me satis perspicue ostendit *SCHILTERVS* (9) ex mero errore Glossatorum & Interpretum Juris Saxonici factum esse, ut dictis Constitutionibus pœnalibus Juris communis in Saxoniam nuncius missus fuerit. Neque opus est, ut de Praxi earundem & viridi observantia in aliis Imperii nostri Germanici Provincis

(2

cis

-
- (5.) *L. 12. §. f. ff. Quod met. caus.*
(6.) *Supra cit. §. 1. Inst. de Vi bonor. raptor.*
(7.) *Consil. 68. n. 10.*
(8.) *P. 2. Consil. 35. def. II.*
(9.) *Exerc. ad ff. XI. §. 14. seqv.*

eiis in univ^{er}sum plura proponam, cum STRYCKIVS (10) idem pensum plenissimâ manu jam tum absolverit, atque per ipsas Imperii Leges Germanicas (11) usum fori egregie corroboraverit. Interea observationis loco addendum censui, dari utique & post excitationes Divales Constitutiones casus, ubi quis absque iudicio & iudice sibimet ipsi prospicere & propriâ auctoritate rem mobilem debitoris impune occupare, imo & personam arresto constringere potest; Adduxit unum VLPIANVS (12) scilicet ubi periculum in mora & debitor fugitivus est, ita ut iudicis copia illico haberi nequeat. Sane Edicti Div. MARCI pœna amissionis crediti tali casu eo magis cessabit, quo minus dici potest, vim fuisse debitori fugitivo ex eo, quod sine iudice Creditor res suas poposcerit, illatam, cum iudicis copia haberi non potuerit, periculum econtra in morâ summum subsuerit. Sed an idem jus apprehendendi rei immobilis possessionem hypothecæ nexu adstrictæ, contradicente debitore, Creditori indulgendum, in casu, quo hic ita per pactum expressum sibi prospexit? Sane nec hic Edictum pœnale amissionis crediti locum sibi vindicare posse, ipsi Imp^{er}. SEVERVS & ANTONINVS (13) facti sunt, adjectâ decidendi ratione: *cum nec is vim fecisse dici possit, qui conventionis legem pecuniâ non redditâ bonâ fide exercuit*; Cum vero iidem Imp^{er}. ad-
 dant:

(10.) *Vf. mod. ff. L. IV. t. 2. §. 9.*

(11.) *Ordin. Cam. Womrat. de Anno 1511. Rubric. wenn es in Zerrung der Possession §. Und ob sich ic. Rec. Imp. Ratisbonens. de Anno 1531. Rubric. Cammer » Gericht betrefsend §. 15.*

(12.) *L. 10. §. 16. ff. de his, quæ in fraud. cred.*

(13.) *L. 3. C. de Jur. Pignoris.*

dant: Attamen autoritate Præsidis possessionem adipisci de-
beat: statim apparet, possessionem sine iudice ita ade-
ptam nihilo fecius non esse manutenibilem. Laxiori
enucleatione donabit præsens thema

NOBILIS ATQVE CLARISSIMVS

DN. AVGVSTVS LEISTENIVS,

*Jurium Candidatus dignissimus, & Advoc. Sax. Elect.
immatriculatus,*

cujus vitæ ac studiorum ratio nunc mihi venit ex-
ponenda. Vitam scilicet nactus Dresdæ prid. Ca-
lend. Febr. Anno MDCCVI. patre Domino GOTTLOB
LEISTENIO, J. U. D. dum viveret, & Causarum Patro-
no consultissimo, nimis præmatura verò morte eidem
ex filialibus amplexibus cheu! crepto. Matrem suspi-
cit adhuc superstitem honestissimam ex gente DORN-
BLÜTHIANA progenitam, quam ut Deus optimus
maximus ad seros usque annos salvam sospitemque
Nostro servet, peropto animitus. Avum ex linea pa-
terna habuisse sibi impense gratulatur Dn. M. JOACHI-
MVM LEISTENIVM, Ill. Augustei ad Salam Leucopetren-
sis quondam Rectorum & P. P. Ordinarium, longe meritif-
simum, qui eruditione sua haud vulgari in rebus Theo-
logicis, non minus ac Philosophicis, & sigillatim in ar-
te perorandi styloque elegantiori, ita inclaruit, ut per-
petuam post se reliquerit sui memoriam. Avia Nostro
fuit SALOME, e familiâ Schimpferianâ, omnibus virtuti-
bus, quæ sexui tam masculino quam sequiori insignia
præbere solent ornamenta, instructissima matrona;
quandoquidem ea non solum in rite educandis liberis to-
ta fuit, sed etiam in studiis, inprimis vero, Theologico,
Astronomico elegantiorique stylo tantos fecit progres-

fas, ut publice numero eruditarum foeminarum adscripta fuerit; qua de re genuinum testimonium prostat apud Autorem des *Geschichts-Spiegels* p. 741. Inter ascendentes vero lineae maternae numerare eidem contingit Dn. MARCVM Dornblüth Jur. utriusque D. Regisque Poloniae & Elect. Sax. *Consiliarium quondam & Consulem seniore* Civitatis Dresdensis longe meritissimu, cujus & cineres devota mente veneratur; Aviam autem SOPHIAM EVSEBIAM Höpnerin, matronam pietate modestia aliisque virtutibus mulieribus ornatissimam, ex matrimonio Viri Nobilissimi & Consulissimi JO. HEINRICI Höpners, *Hereditarii quondam in Korpseh / Dessch und beydersits Alt: Dschah / Elect. Sax. Commissarii Camerae, & Praefecti Ossitiensis*, cum SOPHIA EVSEBIA Schneiderin, per multos annos feliciter continuato progenitam, qui Dn. JOH. HEINRICVS HOEPNERVS, patrem coluit *Virum Max. Reverendum JOANNEM Höpner, S. S. Theol. Doctorem, P. P. Confistorii & Facult. Theol. Lipsiensis Assessorem, & Capituli Misnen- sis Summe Reverendi Canonicum, Pastorem Ecclesiae ad St. Nicolaum & Superintendentem Lipsiensem*, longe gravissimum. Prima lectissimae matris praelaudatae cura eo tendebat, ut animus optimae indolis filii tam Christianae & salvificae doctrinae non minus ac aliarum optimarum litterarum principiis imbueretur, atque in dies redderetur cultior, quam ob causam Praeceptoribus Scholae Crucianae, quae Dresdae est, eundem commendavit informandum, ubi B. Rectorem Dn. M. GELLENIVM, Correctorem M. GELLIVM, & Dn. M. ZIEGENHALSIVM solide ac fideliter docentes auscultavit, postea vero in Gymnasium illustre Electorale Saxonicum Portense se contulit, quo loco B. Rectoris Dn. M. SCHREBERI

BERI, Contrectoris D. M. SCHRAMMII, cujus accepta beneficia nunquam non gratissima mente numerat, item Dn. M. FREYTAGII hodie Rectoris & denique M. WEIDNERI Collegæ sexti, præcepta audivit. Triennio autem & quod excurrit ibidem transacto Vitebergensemque Academiam ingressus, in Philosophicis Dni HASSII Prof. Moralium, Dni M. GVHLINGII, tunc temporis *Facultatis Philos. Assessoris*, nunc vero *Diaconi Ecclesiæ Chemnitensis* meritissimi; in iuridicis autem Illustris Domini de WERNHER, Regis Poloniae & Elect. Sax. *Cons. aulici, & ordinarii Facultatis Juridicæ*, nunc autem eminentissimi *Consilarii Aulae Imperialis*, nec non Dni D. MENCKENII, *Regi Pol. & Elect. Sax. à Consiliis Appellationum*, nec minus Dn. D. KRAVSIII *Prof. juris Publ. celeberrimi* & Dn. CHLADENII, tunc temporis *Doctoris*, hodie vero *Reg. Pol. & Elect. Consil. Appellat. collegiis tam publicis quam privatis frequenter magnoque cum fructu interfuit*. Peracto itaque in alma Vitebergensi biennio Lipsiam petiit, ibique ab ore B. Dn. D. GRIBNERI *Regis Pol. & Elect. Sax. quondam Consilarii aulae & justitiæ, nec non Facultatis Juridicæ Lipsiensis Ordinarii, & Cti consummatissimi*, Dn. D. JO. FLORENTIS RIVINI *Prof. jur. Publici*, Dn. D. PETERMANNI, Dn. D. Reichels & Dn. D. SIEGELII non sine singularibus profectibus pependit. Peracto altiorum literarum stadio die VI. Aug. An. MDCCXXIII sub præfido prælaudati Dn. D. JO. FLORENTIS RIVINI, de *Exceptionibus atque Præjudiciis*, ut & ad reliquos *Lib. XLIV. Pandect.* Titulos juxta *Schœpfferi synops. Juris Priv. publice disputavit*, & ab Inclyta Facultate Juridica Lipsiensi pro Praxi examinatus, ad patrios rediit lares, ubi ab Illustri Regimine Regio Electorali, quod Dresdæ

dæ est, in numerum Advocatorum receptus, impetrato quoque in duabus Regio Electoralibus Præfecturis, *Augustusburgensi* videlicet & *Stolpensi* Actuarii munere, per aliquot annos eodem laudabili dexteritate perfunctus fuit, donec iterum Dresdam reversus in causis orandis operam haud vulgarem impendit. Tandem nostram Electoralem Universitatem accedens Ordini Nostro Juridico, ut præviis consuetis Speciminibus publicis, dignitas Doctoralis Academica cum annexis Immunitatibus & Privilegiis eidem conferatur, per literas petitorias significavit, cui honestæ rogationi conclumatis suffragiis eo magis duximus deferendum, quo magis nobis, tam quod textuum ex jure civili & canonico eidem exhibiturum enucleationes, quam ipsum examen, quod sustinuit, rigorosum attinet, talem, qualem omnino desiderabamus, se probavit, atque eruditionem solide acquisitam Facultati satis superque ostendit; Futuroque itaque die XX. Octobr. prælectionibus suis publicis *ad L. 13. ff. quod met. caus.* novum doctrinæ suæ specimen edet, ac præterea eodem die horis locoque consuetis

DE SVCCESIONE CLERICI IN GERADAM,

Inaugurali & solenni modo disputabit, quibus Actibus ut *Reverend. & Perillustris Dn. PRO-CANCELLARIUS* cum reliquis Dnn. Proceribus & Civibus Academicis interesse velint est, quod prolixiori mentis affectu rogo. P. P. sub Sigillo Facult. Jurid. Erfordiæ d. 17. Octobr. MDCCXXXIV.

(L. S.)


ULB Halle
005 355 729

3



1996
A
4158





727

Abhandl 1734, 14

21

PERVETVSTÆ ACADEMIÆ ERFFVRTH,
RECTOR

JAM

FACVLTATIS JVRIDICÆ
DECANVS,

**TOBIAS JACOB
REINHARTH,**

JCTVS, PRÆLAVDATÆ FACVLT. ASSESSOR,
ET COD. PROF. PVBL. ORDIN.

ILLVSTRISSIMI S. R. I. COMITIS DE GLEICHEN ET HAZ-
FELD CONSILIARIVS, NEC NON EIVSDEM CANCELLA-
RIÆ ET CONSISTORII BLANCKENHAIN. DIRECTOR,
CIVITATIS SYNDICVS ET CONSVL,

AD AVDIENDAM

LECTIONEM CVRSORIAM
ET

DISSERTATIONEM INAVGVRALEM

AD DIEM XX. OCTOBR. M DCC XXXIV.

LECTOREM BENEVOLVM

HVMANISSIME INVITAT.

ERFORDIÆ,

Typis JOH. CHRISTOPHORI HERINGII,
Acad. Typogr.